



RUKOMETNI SAVEZ BOSNE I HERCEGOVINE

HANDBALL FEDERATION OF BOSNIA AND HERZEGOVINA

71000 SARAJEVO, Ćemaluša 6/1, tel. ++ 387 33 66 81 43, fax. ++387 33 66 85 11

Identifikacioni broj: 4200732170000;
web site: www.rsbih.com

transakcijski račun: SPARKASSE BANK 1990490006323380
e-mail: ruksavez@bih.net.ba

GENERALNI SPONZOR RUKOMETNE REPREZENTACIJE BIH



imate prijatelje!

**PRESS KONFERENCIJA
HOTEL „SARAJEVO“, 05. 06. 2010.**

Danas je u hotelu SARAJEVO održana press konferencija povodom drugog dijela priprema za kvalifikacije za Evropsko prvenstvo u Srbiji 2012. godine, a koje počinju krajem oktobra ove godine. U prvom dijelu press konferencije Generalni direktor Perutnina Ptuj BH d.o.o. gsp Mladen Andrić i Generalni sekretar RS BIH gsp. Smajo Karačić su potpisali Ugovor o sponzorskoj podršci kojim se Perutnina Ptuj BH priključila pool-u sponzora Rukometnog saveza Bosne i Hercegovine odnosno rukometne reprezentacije BIH. Gsp. Mladen Andrić je istakao da je Perutnina Ptuj BH, kao dio multinacionalne korporacije, prepoznala vrijednost i potencijal rukometne reprezentacije BIH te istakao svoje duboko uvjerenje da ova generacija bosanskohercegovačkih rukometaša ima snage i potencijala da se plasira na Evropsko prvenstvo - Srbija 2012. Gsp. Smajo Karačić se zahvalio na povjerenju koje je Perutnina Ptuj BH ukazala rukometnoj reprezentaciji BIH, te prepoznala potencijal naših najboljih rukometaša.

U drugom dijelu press konferencije medijima su se obratili selektor Vojislav Rađa, kapiten Mirsad Terzić, povratnik u reprezentativni dres Edin Bašić i predsjednik Organizacionog odbora utakmice u Maglaju gsp. Munib Čaušić. Selektor Rađa je istakao da su se na okupljanje odazvali svi pozvani igrači osim golmana Šarića, koji je zamolio za dopust radi završetka pregovora o produženju ugovora sa svojim klubom FC Barcelona Borges. Jutros je ekipu, radi povrede pete napustio Darko Martinović. Selektor je izrazio zadovoljstvo do sada urađenim i izrazio nadu da će naši rukometaši u utakmicama protiv grčke zadovoljiti rukometnu publiku u Maglaju 06. 06. odnosno u Goraždu 08. 06. 2010. godine. Kapiten Terzić je poželio dobrodošlicu povratniku u reprezentativni dres Edinu Bašiću, te izrazio zadovoljstvo što će reprezentacija igrati u Maglaju, odnosno Goraždu pred prepunim tribinama. Edin Bašić nije krio svoje zadovoljstvo povratkom u reprezentaciju iz koje je, kako kaže, u proteklih nekoliko godina samo fizički odsustvovao. Rekao je i da očekuje da ova reprezentacija ima snage i znanja da se kvalifikuje na završnicu Evropskog prvenstva u Srbiji, te da će utakmice sa Grčkom sigurno pomoći i igračima i stručnom štabu. Gsp. Munib Čaušić je u ime Organizacionog odbora poželio dobrodošlicu bosanskohercegovačkim rukometašima u Maglaj, istakavši da u Maglaju vlada prava euforija pred dolazak reprezentacije. Najavljene se pune tribine i gromoglasna podrška našim rukometašima. Prva utakmica između reprezentacija BIH i Grčke će se odigrati u Maglaju u nedjelju, 06. 06. sa početkom u 19:00 sati, dok će se druga utakmica odigrati u Goraždu u utorak 08. 06. sa početkom u 18:00 sati.

